

## ZAKAJ? ZAKAJ?

Ne, ne mrem ti reč  
Zakaj sem pozabila  
Horvacku mi reč  
I z njom življenje vse,  
Pak ne mrem povedat  
Ni kak mi pri serdču je:  
Gdo sem i gde sem,  
I je li još jesem,  
Reč svoju ti dam:  
„Ne znam. Ne znam,  
Jer davno već  
Horvacka mi reč  
Od sveta se skrila  
Prem je još živa bila.  
Zakaj mi Domaja,  
Sveta i mila,  
Reč pozabila  
I od nje odhaja?  
Morti ni štela,  
Ni smela  
Bit s menum vesela?!  
Zakaj, zakaj,  
O, Bogek moj sveti,  
Se meni pripeti  
Da reč tu iščem,

Tu reč horvacku  
Kak dete k serdču pritiščem?  
Zakaj su strti i zgubit ju šteli,  
A nisu smeli ni znali  
Da reč horvacka  
V serdču Horvatov  
Navek ima dom,  
Jer jedino tu je,  
Da svak ju čuje  
Svoja na svom!  
I dala se ne bu  
Ni Zemli, ni Nebu  
Da ju iz doma potera.  
Reč ta je draga,  
Vseh nas je snaga  
I čista Horvatov vera.  
A Ti, Bogek naš sveti,  
Reč vrni serdču nazaj  
I reci nam, prosim,  
Zakaj? Zakaj  
Tu reč horvacku  
Ja furt vu mislima nosim?  
Zakaj, zakaj ja furt ju iščem  
I kak dete si milo  
Serdču svome pritiščem?

*Malkica Dugeč*